

croy quil nen rechappera pas, mais que Dieu exercera encore Longtemps sa patience: cestoit lhomme le plus robuste que nous eussions icy, ie ne vous mande en particulier que les sentimens de ce Malade, il suffit de vous dire, que ce font a peu pres les sentimens de la plus part des autres, et que LAdmiration continuelle ou ie fais aupres de tous ces malades est de penser verroit on vne telle patience vne telle resignation tels sentimens de Dieu dans les personnes les plus vertueuses de France: Les autres sauuages qui assistent nos malades, et qui souffrent pour ainſy dire avec eux font paroistre la mesme patience, et aussy tost que Iaperſois quelqu vn saffliger de La maladie dvn de ses proches, ie luy fais prendre les sentimens quil doit prendre de patience de resignation et de charité a soulager son parent dans la veüe de Iesus Christ. Monique dont ie vous ay si souuent parlé qui a desia perdu icy deux de ses Enfans fait paroistre vne patience toute particuliere aupres de son fils ainſné nostre francois de fales dont elle nattend que La mort quoyquelle fasse de Longue priere pour sa fanté, elle mauoue souuent quelle est preste a tout ce que Dieu voudra. et luy soffre Continuellement a Dieu, il est vn des plus attaqué il me demanda il y a huit Iours de se faire embarquer pour aller a S^{te}. Anne Inuoquer cette S^{te}. Patronne du pays, ie luy dis quil suffisoit de promettre a cette S^{te}. que sy elle luy obtenoit La fanté il iroit Communier dans cette S^{te}. Chapelle il acquiesça a ce que ie luy dis la deffus, puis quelques [temps] apres il pria sa Mere daller porter de sa part au pieds de La S^{te}. Vierge vn Collier de porcelaine, ce quelle fit promptement acompagnant son present de Longues prieres quelle fit dans La